

Na osnovu člana 24. stav 3. Zakona o trezoru u Federaciji Bosne i Hercegovine ("Službene novine Federacije Bosne i Hercegovine ", broj 19/03), Ministrica finansija Kantona Sarajevo donosi

U P U T S T V O
o načinu uplate i trošenja naknada za korištenje javnih parkirališta
i premještanja i čuvanja nepropisno parkiranih i zaustavljenih
vozila u Kantonu Sarajevo

1. Ovim uputstvom uređuje se način uplate i trošenja naknada za korištenje javnih parkirališta i premještanja i čuvanja nepropisno parkiranih i zaustavljenih vozila u Kantonu Sarajevo (u daljem tekstu: naknada za parkiralište)

2. Naknadu za parkiralište plaća vlasnik ili korisnik vozila kako je propisano Odlukom o sigurnosti i organizaciji prometa ("Službene novine Kantona Sarajevo", broj 14/97) i Uredbom o organizaciji i načinu naplate parkiranja ("Službene novine Kantona Sarajevo", br. 18/97, 22/97 i 11/98).

3. Naknada za parkiralište uplaćuje se na poseban transakcijski račun JKP "Rad" iz Sarajeva.

4. JKP "RAD" , dužno je do 25-og u tekućem mjesecu dostaviti Vladi Kantona Sarajevo (u daljem tekstu : Vlada) izvještaj o sredstvima prikupljenim naplatom za korištenje parkirališta sa stanjem 25-og u prethodnom mjesecu .

5. JKP "RAD" je dužno sredstva prikupljena naplatom za korištenje parkirališta jednom mjesečno doznačiti na depozitni račun Kantona Sarajevo (u daljen tekstu : Kanton), vrstu prihoda 722429-Ostale kantonalne naknade , šifra općine 077, svrha uplate : " Uplata naknade za parkirališta", i to:

- 40 % sredstava (iz bruto iznosa) prikupljenih naplatom za korištenje parkirališta i sredstava naplaćenih zbog povrede ugovora o korištenju parkirališta ;
- 40% sredstava (iz bruto iznosa) prikupljenih naplatom za odvoženje i čuvanje nepropisno parkiranih i zaustavljenih vozila.

6. O svakom izvršenom prenosu sredstava iz tačke 5. ovog uputstva na depozitni račun Kantona, JKP"RAD" podnosi izvještaj i dokaz (kopija platnog naloga) Ministarstvu prometa i komunikacija.

Ministarstvo prometa i komunikacija vrši kontrolu prenosa sredstava na depozitni račun Kantona .

Krajem tekuće godine u vremenu između 20. i 29. decembra, JKP "RAD", Minitarstvo prometa i komunikacija i Ministarstvo finansija, će izvršiti pregled stanja sredstava iz tačke 5. ovog uputstva.

7. Ministarstvo finansija je dužno svakog prvog u mjesecu na osnovu evidencije uplaćenih prihoda dostaviti Ministarstvu prometa i komunikacija izvještaj o uplaćenim sredstvima na ime naknade za korištenje parkirališta.

8. Na osnovu izvještaja iz prethodne tačke Ministarstvo prometa i komunikacija podnosi Ministarstvu finansija zahtjev za mjesečni finansijski plan kojim namjenska sredstva raspoređuje na subanalitička konta određena Budžetom tekuće godine.

9. Na osnovu izvještaja o prikupljenim prihodima od naknada za korištenje parkirališta, Ministarstvo prometa i komunikacija planira realizaciju projekata koji se finansiraju iz naknada.

10. Ministarstvo prometa i komunikacija je dužno prilikom izrade Budžeta za narednu fiskalnu godinu planirati prihode od naknada za korištenje parkirališta i Ministarstvu finansija podnijeti prijedlog plana prihoda i rashoda .

11.Sredstva prikupljena od naplate parkiranja su namjenska sredstva i trošit će se za održavanje, opremanje i gradnju parkirališta u skladu sa Zaključkom Vlade Kantona, broj: 02-05-32091-15/06 od 21.12.2006. godine.

12. Unos faktura kojima se stvaraju obaveze za plaćanje, a odnose se za održavanje , opremanje i gradnju parkirališta, Ministarstvo finansija vršit će u skladu sa Uputstvom o izvršavanju budžeta sa Jedininstvenog računa Trezora ("Službene novine Kantona Sarajevo", broj 20/03) u okviru razdjela Ministarstva prometa i komunikacija, na obrascu broj 2. uz obavezan unos subanalitičkog konta utvrđenog Budžetom za ove namjene.

13. Ovo uputstvo stupa na snagu danom donošenja, a biće objavljeno u "Službenim novinama Kantona Sarajevo".

MINISTRICA

Aida Haverić, dipl. ecc.

Broj:08-01-14-3999

Sarajevo, 24.04. 2007. godine